



Broj: 07-11-1089/22  
Vogošća, 27.09.2022. godine

Na osnovu člana 70. i člana 111. stav 13. Zakona o javnim nabavkama BiH ("Službeni glasnik BiH" broj: 39/14), Rješenja Ureda za razmatranje žalbi BiH-Filijala Mostar broj: JN2-03-07-1-2153-8/22 od 08.09.2022. godine i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15 i 9/20), Općinski načelnik dana 27.09.2022. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA NABAVCI,  
POSTAVLJANJU I ODRŽAVANJU SAOBRAĆAJNE SIGNALIZACIJE I OPREME NA  
PODRUČJU OPĆINE VOGOŠĆA**

**Član 1.**

Ponuda ponuđača "Sacom" d.o.o. Sarajevo, ulica Luka bb Ilijaš, odabrana je za izvođenje radova na nabavci, postavljanju i održavanju saobraćajne signalizacije i opreme na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 294.605,00 KM bez uračunatog PDV-a, odnosno 344.687,85 KM sa uračunatim PDV-om.

**Član 2.**

Ovom Odlukom stavlja se van snage Odluka o izboru najpovoljnijeg ponuđača za izvođenje radova na nabavci, postavljanju i održavanju saobraćajne signalizacije i opreme na području općine Vogošća broj: 07-11-1089/22 od 19.07.2022. godine.

**Član 3.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 16.06.2022. godine donio Odluku o pokretanju Otvorenog postupka nabavke, postavljanja i održavanja saobraćajne signalizacije i opreme na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 20.06.2022. godine pod brojem: 1353-1-3-90-3-106/22. Sažetak Obavještenja o nabavci objavljen je u "Službenom glasniku BiH" broj: 41/22 od 24.06.2022. godine.

Nakon provedene Zakonom propisane procedure, dana 19.07.2022. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-1089/22, kojom je kao prvoplasiranu sa Rang liste odabrala ponudu ponuđača "Sacom" d.o.o. Sarajevo, sa ponuđenom ukupnom cijenom nabavke u iznosu od 299.605,00 KM bez uračunatog PDV-a, odnosno 350.537,85 KM sa uračunatim PDV-om.

Na predmetnu Odluku izjavljena je žalba od strane ponuđača "Sacom" d.o.o. Sarajevo dana 28.07.2022. godine.

Ured za razmatranje žalbi BiH-Filijala Mostar, rješavajući po žalbi Žalitelja "Sacom" d.o.o. Sarajevo je dana 08.09.2022. godine donio Rješenje broj: JN2-03-07-1-2153-8/22, kojim se usvaja žalba Žalitelja "Sacom" d.o.o. Sarajevo kao djelimično osnovana i poništava Odluka o izboru najpovoljnijeg ponuđača broj: 07-11-1089/22 od 19.07.2022. godine, te predmet vraća na ponovno odlučivanje ugovornom organu uz napomenu da isti bude okončan u skladu sa stavovima URŽ BiH-Filijala Mostar iznesenim u predmetnom Rješenju i u skladu sa zakonskim i podzakonskim propisima iz oblasti javnih nabavki.

U obrazloženju osnovanosti žalbe URŽ BiH-Filijala Mostar u svom Rješenju broj: JN2-03-07-1-2153-8/22 od 08.09.2022. godine (strana 7-8. Rješenja) navodi sljedeće:

"U vezi sa naprijed navedenim ovo tijelo je izvršilo uvid u ponudu drugorangiranog ponuditelja te utvrdilo kako je na stranici 21. dostavljena Potvrda broj: 02-23-131/22-1 od 13.04.2022. godine kojom se potvrđuje da je poduzeće Buljan ceste d.o.o. Kreševo za Kantonalnu direkciju i puteve SBK-a uredno izvršilo sljedeće ugovore:

- ugovor o izvođenju radova održavanja putne opreme (zaštitne mreže) na regionalnim cestama na području SBK za period 01.06.2021 do 31.05.2022 u iznosu od 65.392,27 KM sa PDV-om
- ugovor o izvođenju radova održavanja horizontalne signalizacije na regionalnim cestama na području SBK za period 01.06.2021 do 31.05.2022. u iznosu od 78.290,41 KM sa PDV-om
- ugovor o izvođenju radova održavanja vertikalne signalizacije na regionalnim cestama na području SBK za period 01.06.2021 do 31.05.2022. u iznosu od 27.962,00 KM sa PDV-om.

Sukladno utvrđenom iz predmetnog spisa ovo tijelo utvrđuje **osnovanost** žalbenog navoda žalitelja, sa aspekta propusta ugovornog tijela da pravilno utvrdi činjenično stanje, te isti usvaja, imajući u vidu da je Potvrda o urednom izvršenju ugovora načinjena prije okončanja odnosno izvršenja gore navedenih ugovora, te upućuje ugovorno tijelo da sukladno članku 68. Stavak 3 ZJN pozove drugorangiranog ponuditelja da u roku od tri dana pojasni dokumente dostavljene u svrhu dokazivanja tehničke i profesionalne sposobnosti istog (čl. 51. ZJN)".

U obrazloženju osnovanosti žalbe URŽ BiH-Filijala Mostar u svom Rješenju broj: JN2-03-07-1-2153-8/22 od 08.09.2022. godine (strana 8-9. Rješenja) navodi sljedeće:

"Imajući u vidu naprijed utvrđeno ovo tijelo utvrđuje osnovanost žalbenog navoda žalitelja, sa aspekta propusta ugovornog tijela da pravilno utvrdi činjenično stanje prilikom pregleda ponude drugorangiranog ponuditelja, te isti usvaja. Iz stanja u spisu ovo tijelo je utvrdilo kako Referenc lista-Lista izvedenih radova od 04.07.2022. godine i Potvrda o urednom izvršenju ugovora ne odgovaraju jedno drugom, odnosno vrijednosti ugovora nisu jednake onim iz referenc liste i Potvrde, te se ne može utvrditi povezanost ugovora sa Liste i onima iz Potvrde. Stoga ovo tijelo upućuje ugovorno tijelo da sukladno članku 68. stavak 3. ZJN pozove drugorangiranog ponuditelja da u roku od tri dana pojasni dokumente dostavljene u svrhu dokazivanja tehničke i profesionalne sposobnosti istog (čl. 51. ZJN)".

Na osnovu iznesenog, postupajući u skladu sa uputama URŽ BiH-Filijala Mostar ugovorni organ je dana 16.09.2022. godine zatražio pojašnjenje dostavljenih dokumenata u Ponudi broj: 01-07/22 od 04.07.2022. godine ponuđača "Buljan ceste" d.o.o. Kreševo.

Dana 21.09.2022. godine ugovorni organ je zaprimio pojašnjenje u postupku nabavke, postavljanja i održavanja saobraćajne signalizacije i opreme na području općine Vogošća ponuđača "Buljan ceste" d.o.o. Kreševo.

Uvažavajući dostavljeno Pojašnjenje sa priložima koji su sastavni dio pojašnjenja, Komisija za javne nabavke je utvrdila da je ponuđač "Buljan ceste" d.o.o. Kreševo kroz dostavljeno pojašnjenje u potpunosti otklonio nejasnoće koje su Rješenjem Ureda za razmatranje žalbi BiH-Filijala Mostar broj: JN2-03-07-1-2153-8/22 od 08.09.2022. godine ocjenjene kao osnovani žalbeni navodi, te smatra da je pravilno utvrđeno činjenično stanje, na osnovu čega se ponuda ponuđača "Buljan ceste" d.o.o. Kreševo može u ponovljenom postupku ocijeniti kao formalno-pravno ispravna i prihvatljiva za ugovorni organ.

Na osnovu prethodno iznesenog, Agenciji za javne nabavke BiH je dana 22.09.2022. godine podnešen Zahtjev za poništenje E-aukcije (sa ponovnim zakazivanjem nove E-aukcije), u skladu sa Rješenjem Ureda za razmatranje žalbi BiH-Filijala Mostar broj: JN2-03-07-1-2153-8/22 od 08.09.2022. godine.

Dana 23.09.2022. godine Agencija za javne nabavke BiH ponovo je zakazala termin održavanja e-Aukcije za 26.09.2022. godine u 10:00 sati, uz obrazloženje: "U skladu sa članom 111. st.(13) ZJN, kojim je utvrđeno da su rješenja i zaključci URŽ-a konačni i izvršni, te da je UO obavezan postupiti po istom, Agencija je mišljenja da se radi o opravdanom slučaju, te se udovoljava podnešenom zahtjevu za ponovno zakazivanje e-aukcije".

Nakon provedenog postupka E-aukcije i po završetku iste, a u skladu sa Izveštajem o toku i završetku E-aukcije od 26.09.2022. godine, Komisija za javne nabavke je sačinila sljedeću Rang listu u Otvorenom postupku nabavke, postavljanja i održavanja saobraćajne signalizacije i opreme na području općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Sacom" d.o.o. Sarajevo	294.605,00	344.687,85
2	"Buljan ceste" d.o.o. Kreševo	295.000,00	345.150,00

Iz navedenih razloga, uz uvažavanje argumenata iz Rješenja Ureda za razmatranje žalbi BiH-Filijala Mostar broj: JN2-03-07-1-2153-8/22 od 08.09.2022. godine, a primjenom člana 64. stav 1. tačka b) i člana 111. stav 13. Zakona Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Sacom" d.o.o. Sarajevo, za izvođenje radova na nabavci, postavljanju i održavanju saobraćajne signalizacije i opreme na području općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 294.605,00 KM bez uračunatog PDV-a, odnosno 344.687,85 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

*Mirza Čutura*

Kontrolisala: Melisa Kršo

*Melisa Kršo*

Dostavljeno:

1. "Buljan ceste" d.o.o. Kreševo
2. "Sacom" d.o.o Sarajevo
3. Nadležnoj Službi
4. U dosije
5. a/a

bc.kresevo@buljanceste.org

sacomdoo@gmail.com



OPĆINSKI NAČELNIK

*Edin Smajić*  
Edin Smajić